

ՀԱՇՎԵՏՎՈՒԹՅՈՒՆ

2019թ. սեպտեմբերի 8-ից 11-ը Նյու Դելի (Հնդկաստանի Հանրապետություն)՝ շրջակա միջավայրի նախարար Էրիկ Գրիգորյանի գործուղման վերաբերյալ

1. ԳՈՐԾՈՒՂՎԱԾ ԱՆՁ

Էրիկ Գրիգորյան

2. ԶԲԱՂԵՑՐԱԾ ՊԱՇՏՈՆԸ

Շրջակա միջավայրի նախարար

3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ

Նյու Դելի (Հնդկաստանի Հանրապետություն)

2019թ. սեպտեմբերի 8-ից 11-ը

4. ՀՐԱՎԻՐՈՂ ԿՈՂՄԸ

ՄԱԿ-ի «Անապատացման դեմ պայքարի մասին» կոնվենցիայի քարտուղարություն

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն՝ ՄԱԿ-ի «Անապատացման դեմ պայքարի մասին» կոնվենցիայի Կողմերի բարձրաստիճան հատվածի 14-րդ հանդիպմանը:

6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐ

Բարձրաստիճան հատվածի հանդիպման շրջանակներում տեղի են ունեցել նախարարական կլոր սեղանի քննարկումներ և ինտերակտիվ երկխոսություններ հետևյալ հարցերի շուրջ.

- հողեր, կլիմայի փոփոխության և վերականգնվող էներգիա,
- գյուղական և քաղաքային համայնքներ. Ձախողում կամ ծաղկում միասին,
- հկոհամակարգերի վերականգնման գլոբալ շարժի խթանում.
- հողային տնտեսություն՝ հիմնված լավագույն փորձի վրա,
- առողջ երկիր. Առողջ մարդիկ:

Հանդիպումը կենտրոնացել է անապատացման, հողերի դեգրադացիայի և երաշտի վերաբերյալ կարևորագույն հարցերին և քննարկվել են վերջիններիս վերաբերյալ լուծումները:

Հանդիպման շրջանակներում՝ «առողջ երկիր. Առողջ մարդիկ» խորագրով երկխոսությանը հաջորդեց պաշտոնական հայտարարությունների նստաշրջանը, որի ընթացքում ելույթ են ունեցել տարածաշրջանի 19 երկրների անունից:

Երկրները կարող են դիմակայել շրջակա միջավայրի ապագա մարտահրավերներին՝ օպտիմալացնելով հողերի կառավարումը, ընդլայնելով կայուն փորձը, որն ուղղված կլինի դեգրադացված հողերի վերականգնմանը:

7. ԵՐԿԿՈՂՄ ՀԱՆԴԻՊՈՒՄՆԵՐ

Վերոնշյալ հանդիպման ընթացքում երկկողմ հանդիպումներ են ունեցել Մոլդովայի Հանրապետության գյուղատնտեսության, տարածքային զարգացման և շրջակա միջավայրի նախարար Լիվիու Վոլկոնովիչի հետ, որի ընթացքում քննարկել ենք անտառային տնտեսությանն առնչվող հարցեր: Քննարկման ընթացքում քննարկեցինք հետագա համագործակցության հեռանկարները՝ մասնավորապես Հայաստանի փորձը՝ անտառների կառավարման ոլորտում:

Երկկողմ հանդիպում են ունեցել նաև Չինաստանի անտառային տնտեսության և մարգագետինների ազգային կառավարման վարչության ղեկավար պարոն Չանգ Յանլունգի հետ: Հանդիպման ընթացքում քննարկվել են Հայաստանում հողերի դեգրադացման չեզոքության դրամաշնորհային ծրագրին առնչվող հարցեր, որոնք ուղղված էին դեգրադացված հողերի վերականգնմանը:

Միջոցառման շրջանակներում երկկողմ հանդիպումներ են ունեցել նաև Հնդկաստանի Հանրապետության շրջակա միջավայրի, անտառների և կլիմայի փոփոխության նախարար Պրակաշ Ջավադեկարի հետ, որի շրջանակներում ներկայացվել և քննարկվել են կլիմայի փոփոխությանը, կլիմայի ոլորտում իրականացվող և սպասվող գործողություններն ուղղված կլիմայի փոփոխության մեղմմանը և հարմարվողականությանը, ինչպես նաև շրջակա միջավայրի պահպանությանն առնչվող հարցեր:

Երկկողմ հանդիպումներ են ունեցել ՄԱԿ-ի շրջակա միջավայրի ծրագրի, ՄԱԿ-ի զարգացման ծրագրի ղեկավարների, ինչպես նաև Կանաչ կլիմայի հիմնադրամի գործադիր տնօրենի, Գլոբալ բնապահպանական ծրագրի ղեկավարի և կենսաբազմազանության և էկոճառայությունների գիտաքաղաքական միջկառավարական հարթակի գլխավոր քարտուղարի հետ: Հանդիպման ընթացքում քննարկվել են շրջակա միջավայրի պահպանությանն ոլորտի ընթացիկ և հեռանկարային ծրագրեր:

8. ՁԵՌՔ ԲԵՐՎԱԾ ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ, ԱՌԱՋԱՐԿՈՒԹՅՈՒՆՆԵՐ

Կողմերի հանդիպումը կենտրոնացած էր հողերի կառավարման և պլանավորման կարևորագույն բացերի, ինչպես նաև իրականացված գործողությունների վրա:

Կոնվենցիայի Կողմերը համաձայնության եկան այն գործողությունների շուրջ, որոնք յուրաքանչյուրն իրականացնելու է առաջիկա երկու տարիների ընթացքում:

Հանդիպման շրջանակներում ընդունեց «Դելիի հռչակագիրը», որում կողմերը պարտավորություն ստանձնեցին մի շարք հարցերի շուրջ, ներառյալ գենդեր և առողջություն, էկոհամակարգերի վերականգնում, կլիմայի փոփոխության վերաբերյալ գործողությունների ձեռնարկում, մասնավոր հատվածի ներգրավում, ինչպես նաև «Անտառների Խաղաղություն»

նախաձեռնությունը և Հնդկաստանում հինգ միլիոն հեկտար դեգրադացված հողի վերականգնման ուղղությամբ գործողությունների իրականացումը:

ՄԱԿ-ի «Անապատացման դեմ պայքարի մասին» կոնվենցիայի Կողմերի բարձրաստիճան հատվածի 14-րդ հանդիպման շրջանակներում համաձայնություն ձեռք բերվեց 36 որոշումների վերաբերյալ՝ մասնավորապես ամրապնդել և զարգացնել հետագա գործողությունները՝ հիմք ընդունելով 2018-2030 թվականների կոնվենցիայի նպատակները: Հանդիպման ավարտին ՄԱԿ-ի «Անապատացման դեմ պայքարի մասին» կոնվենցիայի գործադիր քարտուղարը խոսեց հետևյալ հարցերի շուրջ.

- Հողի վերականգնումը, որպես կլիմայի փոփոխության և կենսաբազմազանության համար մակերեսային լուծում,
- Երաշտի դեմ պայքարն ու արձագանքը, որպես խիստ կարևոր գործոններ կլիմայի փոփոխության ֆոնին,
- Առաջնահերթություն պետք է տրվի գենդերային հավասարության ապահովմանը, երիտասարդության ներգրավվածությանը, հողային իրավունքների պահպանմանը:

Շրջակա միջավայրի նախարար

Էրիկ Գրիգորյան